

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 017043 22 V

Novi Travnik, 31.08.2022. godine

Kantonalni sud u Novom Travniku, sudija Alma Islamović u vanparničnom predmetu predlagateljice A.A. K. rođ. M., kći DŽ., nastanjena na adresi ulica ..., D.V., protiv protupredlagatelja H. K., nastanjen na adresi ... L., R. A., radi priznanja strane sudske odluke o sporazumnom razvodu braka, dana 31.08.2022. godine, donio je slijedeće:

RJEŠENJE

Priznaje se odluka o razvodu braka Okružnog suda Linz, Republika Austrija, broj: 3 Fam 14/21p od 14. aprila 2021. godine koja je materijalno pravosnažna i izvršiva od 06.05.2021. godine, u prvom stavu izreke kojim se razvodi brak vanparničnih stranaka zaključen dana ... godine pred matičnim uredom Leonding, Republika Austrija, između predlagateljice A. A. K., rođena godine u K., R.A. i protupredlagatelja H. K., rođen ... godine u L., R. A., a koji brak je upisan u Matičnoj knjizi vjenčanih koja se vodi za mjesto D.V., pod rednim brojem ... za 2019. godinu.

Troškove postupka snosi predlagateljica.

Obrazloženje

Predlagateljica je neposredno ovom sudu dana 31.08.2022. godine podnijela pismeni prijedlog za priznanje strane sudske odluke o sporazumnom razvodu braka, Okružnog suda Linz, Republika Austrija, broj: 3 Fam 14/21p od 14. aprila 2021. godine koja je materijalno pravosnažna i izvršiva od 06.05.2021. godine, a kojom je razveden brak između vanparničnih stranaka. Predlagateljica je uz prijedlog priložila stranu sudsku odluku čije se priznanje traži, prijevod strane sudske odluke od ovlaštenog sudskog tumača za njemački jezik sa područja BiH, izvod iz Matične knjige vjenčanih izdat od Matičnog ureda Općine Donji Vakuf, broj: 03-10-2-6478/2022 od 30.08.2022. godine, izvod iz matične knjige rođenih za predlagateljicu izdat od Matičnog ureda Općine Donji Vakuf, broj: 03-10-1-6477/2022 od 30.08.2022. godine i dokaz o uplati sudske takse - uplatnicu u iznosu od 200,00 KM.

Ocjenjujući osnovanost prijedloga za priznanje strane sudske odluke o razvodu braka ovaj sud je utvrdio kako se radi o stranoj sudskoj odluci o sporazumnom razvodu braka između državljanke B. i H. i državljanina R. A. kojom odlukom je razveden brak vanparničnih stranaka zaključen dana 29.06.2019. godine pred matičnim uredom Leonding, Republika Austrija, da je odluka čije se priznanje traži materijalno pravosnažna i izvršiva od 06.05.2021. godine, da su u postupku razvoda braka sudjelovale obje stranke, da odluka nije protivna odredbama Ustava

BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak.

Obzirom na činjenicu da je predlagateljica državljanka Bosne i Hercegovine da je brak između vanparničnih stranaka zaključen dana ... godine pred matičnim uredom Leonding, Republika Austrija i isti upisan u matičnoj knjizi vjenčanih koja se vodi za mjesto Donji Vakuf pod rednim brojem za 2019. godinu, te da je službena zabilješka braka između vanparničnih stranaka upisana u izvodu iz matične knjige rođenih za predlagateljicu koja se vodi za mjesto Donji Vakuf, pod rednim brojem... za 1999 godinu, to je očigledno da predlagateljica ima pravni interes da se nastala statusna promjena upiše kod nadležnog matičnog ureda u Bosni i Hercegovini, zbog čega je ovaj sud zaključio da je prijedlog osnovan.

Imajući u vidu sve naprijed navedeno ovaj sud je stajališta kako su ispunjeni uvjeti za udovoljenje po prijedlogu za priznanje strane sudske odluke i odlučio je kao u izreci ovog rješenja u skladu sa odredbama članova od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ", broj 43/82, 72/82, "Službeni list R BiH", broj 02/92), koji Zakon je preuzet kao republički, a potom kao federalni i koji se primjenjuje u skladu sa članom 458. Zakona o parničnom postupku („Službene novine F BiH“, broj 53/03, 73/05, 19/06 i 98/15) i članom 28. stav 3. tačka e) Zakona o sudovima u Federaciji Bosne i Hercegovine ("Službene novine F BiH", broj 38/05).

Na temelju Tarifnog broja 1. tačka 10. i Tarifnog broja 2. stav 1., koji je sastavni dio Zakona o sudskim taksama SBK/KSB ("Službene novine Srednjobosanskog kantona/Kantona Središnja Bosna", broj 4/2017 i 15/2020), predlagateljica je dana 31.08.2022. godine uplatila sudsku taksu u iznosu od 200,00 KM (dvije stotine konvertibilnih maraka).

Sudija
Alma Islamović